



SKUPŠTINA BRČKO DISTRIKTA BiH

Bilten

za 2023. godinu

Informativni Bilten Skupštine Brčko distrikta BiH • godina 2023 • juni • broj 2

Intervju

Ivo Filipović
„VJERUJEM DA BRČKO
DISTRIKT BiH
I SAMA BiH IMAJU
SVIJETLU BUDUĆNOST“

SKUPŠTINA DONIRALA
SERVER ZA PROGRAMIRANJE
TEHNIČKOJ ŠKOLI

ESED KADRIĆ
RAZRIJEŠEN DUŽNOSTI
GRADONAČELNIKA,
ZA NOVOG IZABRAN
ZIJAD NIŠIĆ

USVOJENI ZAKONI
O DJELATNOSTI
OSIGURANJA I
O SOCIJALNOM
STANOVANJU

USVOJENA
STRATEGIJA
ZA MLADE



SADRŽAJ

UVOD	5
USVOJEN ZAKON O DJELATNOSTI OSIGURANJA.....	6
USVOJEN ZAKON O SOCIJALNOM STANOVANJU	7
PRIJEDLOG IZMJENA I DOPUNA ZAKONA O MJESNIM ZAJEDNICAMA VRAĆEN NA DORADU ...	8
RADNI SASTANAK S PREDSEDAVAJUĆIM ARBITROM ARBITRAŽNOG TRIBUNALA ZA BRČKO .	9
ESED KADRIĆ RAZRIJEŠEN DUŽNOSTI GRADONAČELNIKA, ZA NOVOG IZABRAN ZIJAD NIŠIĆ ..	10
USVOJENA ODLUKA O PRESTANKU MANDATA ZORANU KOKANOVIĆU, POSLANIČKI MANDAT DODIJELJEN ŽIVANU NIKOLIĆU	11
INTERVJU S POTPREDSJEDNIKOM SKUPŠTINE IVOM FILIPOVIĆEM	12
IZ PRVOG IDUĆEĆ REBALANSA IZDOVJITI SUBVENCIJE ZA ELEKTRIČNU ENERGIJU	15
USVOJEN IZVJEŠTAJ O RADU KOMISIJE ZA ODLUČIVANJE O SUKOBU INTERESA ZA 2022.	15
SASTANAK PREDSEDNIKA SKUPŠTINE I ZAMJENIKA MINISTRA ODBRANE BiH	16
USVOJENA ODLUKA O NERADNIM DANIMA U VRIJEME VJERSKIH PRAZNIKA	16
SKUPŠTINA DONIRALA SERVER ZA PROGRAMIRANJE TEHNIČKOJ ŠKOLI	17
USVOJENA STRATEGIJA ZA MLADEŽ ZA RAZDOBLJE 2022-2026. GODINA	18
ODRŽANA KONFERENCIJA „BRČKO DISTRIKT BiH – IZAZOVI ENERGETSKE TRANZICIJE“	18
OTKRIVEN MEMORIJALNI SPOMENIK CIVILNIM ŽRTVAMA RATA.....	20
ČESTITKA PREDSEDNIKA I POTPREDSJEDNIKA SKUPŠTINE POVODOM 8. MARTA - DANA DISTRIKTA I MEĐUNARODNOG DANA ŽENA	23

IMPRESUM

Stručna služba Skupštine Brčko distrikta BiH

Uređivački tim Biltena:

Urednica:

Maja Kovačević-Gudelj, stručni savjetnik za odnose s javnošću

Tehnička obrada i grafički dizajn:

Mato Radić, tehničar za rukovanje audio i video tehnikom
i upravljanje grafikom

Prilagodio za web:

Stefan Marjanović, administrator IT sistema

Lektori:

Fatima Ribić

Andrea Antić-Dugeč

Marica Lakić

Fotografije i tekst

Arhiva Stručne službe Skupštine

UVOD

U drugom broju Biltena sumirali smo rad Skupštine u prvom tromjesečju 2023. godine. Skupština je u tom periodu održala šest redovnih i jednu vanrednu sjednicu na kojoj je smijenjen bivši i izabran novi gradonačelnik Brčko distrikta BiH.

Usvojeni su: Zakon o djelatnosti osiguranja u Brčko distriktu BiH, Zakon o socijalnom stanovanju, izmjene Zakona o zdravstvenoj zaštiti, izmjene i dopune Zakona o Policiji Brčko distrikta BiH i Izmjene i dopune Zakona o policijskim službenicima.

Skupština je odobrila Strategiju za mlade za period od 2022. do 2026. godine. Donesena je odluka o kriterijima i visini isplate nagrada licima angažovanim u Zdravstvenom centru Brčko za vrijeme Covida, kao i odluka o neradnim danima u vrijeme vjerskih praznika te niz odluka o utvrđivanju javnih interesa radi realizacije kapitalnih projekata.

Skupština je u prvom tromjesečju 2023. godine uvela elektronsko glasanje čime je označen početak uvođenja digitalizacije u radne procese ove institucije.

U ovom broju Biltena donosimo i intervju s potpredsjednikom Skupštine Ivom Filipovićem s kojim smo razgovarali o radu Skupštine od početka ovog mandata, osvrćući se na niz važnih zakona koji su doneseni u ovom periodu, kao i na nedostatke i prednosti Distrikta.

Sve Vaše prijedloge možete slati na email-adresu info@skupstinabd.ba

S poštovanjem



Maja Kovačević-Gudelj
Urednica Biltena

USVOJEN ZAKON O DJELATNOSTI OSIGURANJA



Skupština Brčko distrikta usvojila je na 36. redovnoj sjednici Zakon o djelatnosti osiguranja u Brčko distriktu.

Predsjednik Skupštine Siniša Milić rekao je da ovaj zakon upućuje na primjenu entitetskih propisa kada je u pitanju rad osiguravajućih društava na području Brčko distrikta, shodno njihovoj registraciji. To znači, pojasnio je Milić, ako je osiguravajuće društvo registrovano u agenciji u Republici Srpskoj onda se primjenjuje zakon iz Republike Srpske, ili federalni zakon ako je društvo registrovano u agenciji u Federaciji BiH.

„Riječ je o jednoj oblasti gdje je i ranije važio entitetski propis koji reguliše ovu materiju, s tim što je važio samo osnovni tekst. Entiteti su mijenjali svoje propise čime su osiguravajuća društva koja djeluju na području Distrikta bila zaključena u svojim pravima. U konsultacijama s drugim institucijama predloženo je ovo rješenje koje je danas dobilo podršku Skupštine Brčko distrikta“, istakao je Milić.

Milić je naveo da je najveću pažnju poslanika na ovom zasjedanju izazvala informacija o isplaćenim nagradama zaposlenih u pravosudnim institucijama Brčko distrikta te da

su svi poslanici podržali inicijativu da se redefiniše sistem nagrađivanja u pravosudnim institucijama od strane Pravosudne komisije s ciljem da se ukine dosadašnji sistem.

„Tokom diskusije preovladao je stav o potrebi da se Pravosudna komisija zamijeni odjeljenjem u Vladi Brčko distrikta koje bi se bavilo tim pitanjem. Prepreka za realizaciju ovog krupnog reformskog zahvata, u okviru reforme kompletne javne uprave, jeste Statut Distrikta Brčko koji predviđa postojanje Pravosudne komisije. Očigledno je da će nam u tom smislu trebati podrška većeg

broja poslanika da bismo ciljano išli na izmjenu Statuta“, rekao je predsjednik Milić.

Predsjednik je napomenuo da je Skupština informisana da Vlada nije pristupila realizaciji projekta E-beba koji bi roditeljima olakšao postupak prijave novorođenčeta

te da je, uz jednoglasnu podršku svih poslanika, ponovo zatraženo od Vlade da bez odlaganja pristupi realizaciji tog projekta i da Skupštinu u roku do 60 dana informiše o onome što je preduzela. Na 36. redovnom zasjedanju usvojeno je niz odluka o utvrđivanju

javnih interesa za realizaciju nekoliko kapitalnih projekata, kao i odluke kojima su poslovni prostori u vlasništvu Distrikta dati na korištenje bez naknade za četiri brčanska udruženja pacijenata: „Život s celijakijom“, „Bubreg“, „Luj Braj“ i „Brčansko srce“.



USVOJEN ZAKON O SOCIJALNOM STANOVANJU

Skupština je usvojila Zakon o socijalnom stanovanju u Brčko distriktu, po kojem će zahtjev za korištenje socijalnog stana moći da podnesu svi koji imaju veoma mala primanja i nisu u mogućnosti da obezbijede adekvatno mjesto za stanovanje.

Vršilac dužnosti šefa Odjeljenja za raseljena lica, izbjeglice i stambena pitanja u Vladi Brčko distrikta Vedad Zeherović rekao je da u Distriktu imaju 44 stana u četiri zgrade koja se dodjeljuju u svrhu socijalnog stanovanja i da korisnici tih stanova trenutno plaćaju naknadu od jedne

marke po kvadratnom metru. „Ovaj oblik stanovanja, kao ni do sada, neće biti besplatan i korisnici tih stanova morat će plaćati određenu naknadu koju će utvrditi Vlada Distrikta nakon što zakon bude usvojen u drugom čitanju“, istakao je Zeherović

PRIJEDLOG IZMJENA I DOPUNA ZAKONA

O MJESNIM ZAJEDNICAMA

VRAĆEN NA DORADU



Skupština Brčko distrikta je na 37. redovnoj sjednici, na prijedlog Vlade, iz procedure povukla Prijedlog izmjena i dopuna Zakona o mjesnim zajednicama radi dorade.

Predsjednik Skupštine Siniša Milić rekao je da bi se ovim izmjenama trebali riješiti brojni problemi u funkcionisanju mjesnih zajednica koje su, kako je rekao, specifična udruženja građana od posebnog interesa.

Predsjednik Milić na sjednici se osvrnuo i na probleme rada SPKD „Prosvjeta, BZK „Preporod“ i HKD „Napredak“ koji je doveden u pitanje nakon što nadležna komisija nije prihvatila njihove finansijske izvještaje zbog čega im je naloženo da vrate sredstva.

Milić kaže da ne želi bilo koga da okrivljuje zbog situacije u koju su

dovedena ova tri nacionalna kulturna društva. On smatra da je razlog za ovu situaciju i nesnalaženje u primjeni novih zakona o budžetu i o udruženjima i fondacijama Brčko distrikta.

„Distrikt bi trebao da ovaj problem riješi na sličan način kao i kanton Sarajevo gdje je tamošnja Vlada dala prijedlog Skupštini tog kantona da ova udruženja zajedno s jevrejskim proglasi udruženjima od posebnog interesa za Kanton Sarajevo i da im se kroz budžet omogući redovno finansiranje tekućih potreba i troškova. Ako uništimo ova tri udruženja i kulturu koju oni njeguju, čija će nam kultura ostati u Brčkom“, istakao je Milić.

Potpredsjednik Skupštine Ivo Filipović rekao je da je Skupština na 37. redovnom zasjedanju donijela odluku o zabrani nabavke mobil-

nih telefona za sve nosioce javnih funkcija u javnim preduzećima i pravnim licima koje je osnovao Brčko distrikt.

Filipović je napomenuo da se ta odluka ne odnosi na radnike tih preduzeća čiji rad je vezan za teren. Na 37. redovnom zasjedanju Skupština je usvojila Program rada Vlade Brčko distrikta BiH za 2023. godinu.

Current Subjects		Нова једна	
ДАВАЊЕ ОДОБРЕЊА НА ЗАВРШНИ РАЧУН ЈП „ПУТЕВИ БРЧКО“ БРЧКО ДИСТРИКТ БИХ ЗА 2022. ГОДИНУ – Извјештај Управни одбор – КОМИСИЈА ЗА КОМУНАЛНУ, ЈАВНУ ДЕЛАТНОСТ И			
Za			
Abdulah (Izjavio) (NIZAVISN)			
Admir Mujkanović (SDA)			
Benjamin Makić			
Bilalović Dobriša (HZZ BiH)			
Ivo Filipović (HZZ BiH)			
Ivo Filipović (HZZ BiH)			
Mehmedalji Karadžić (S BiH)			
Moq			
Mirko (HZZ) (SDA)			
Selma Sead (SDA)			
Boško Piskić (STP)			

Rezultat glasanja	
Za	19
Suprotstavka	0
Protiv	0
Prijazeno	26
Ostalo	15

Prvi put u Skupštini Distrikta primijenjeno je elektronsko glasanje čime je ozvaničen početak uvođenja digitalizacije u radu ove institucije

RADNI SASTANAK S PREDSDJEDAVAJUĆIM ARBITROM ARBITRAŽNOG TRIBUNALA ZA BRČKO



Predsjednik i potpredsjednik Skupštine Brčko distrikta BiH Siniša Milić i Ivo Filipović, gradonačelnik i njegov zamjenik Esed Kadrić i Anto Domić održali su u Gradskoj vijećnici radni sastanak s predsjedavajućim arbitrom Arbitražnog tribunala za Brčko Johnom Clintom Williamsonom i supervizorom za Brčko Jonathanom Mennutijem

Na sastanku je razgovarano o aktuelnim izazovima s kojima se suočavaju Vlada i Skupština Distrikta kao što je inflacija koja je pogodila mnoge kat-

egorije stanovništva, ali i preduzetim mjerama ka umanjenu njenih efekata. Riječi je bilo i o unapređenju privrednog razvoja i reformi upravnog sistema te njegovog usklađivanja s evropskim standardima.

Čelnici su arbitra informisali o aktuelnoj političkoj situaciji i funkcionisanju institucija u Distriktu. Arbitra Williamsona upoznali su s funkcionisanjem novih institucija – Komisije za odlučivanje o sukobu interesa i Kancelarije za prevenciju korupcije i koordinaciju aktivnosti na suzbijanju korupcije.

Arbitar Williamson pohvalio je zajedničko djelovanje Vlade i Skupštine na blagovremenom i transparentnom usvajanju budžeta te izrazio zadovoljstvo dosadašnjim radom izvršne i zakonodavne vlasti Distrikta i sprovođenjem Naloga supervizora o spomenicima u Brčkom o izgradnji spomenika civilnim žrtvama rata, čije će otvaranje biti upriličeno narednog mjeseca. Arbitar Williamson je prethodno boravio u Distriktu na sastanku sa zvaničnicima u novembru 2021. godine.

ESED KADRIĆ RAZRIJEŠEN DUŽNOSTI GRADONAČELNIKA, ZA NOVOG IZABRAN ZIJAD NIŠIĆ

Skupština Brčko distrikta BiH je na 12. vanrednoj sjednici razriješila dužnosti gradonačelnika Eseda Kadrića iz SDA. Odluka o razrješenju usvojena je sa 20 glasova za, šest protiv i tri suzdržana glasa, uključujući potrebne afirmativne glasove.

Na ovoj sjednici izabran je novi gradonačelnik iz Stranke za BiH Zijad Nišić koji je bio jedini kandidat za novog gradonačelnika, a predložio ga je njegov stranački kolega u skupštinskim klupama, poslanik Mehmedalija Karamujić. Za ovaj prijedlog od 29 poslanika koliko je glasalo, za je bilo 23, dok je njih šest bilo suzdržano, a nakon glasanja Nišić je položio zakletvu pred poslanicima Skupštine. Zahtjev za smjenu bivšeg gradonačelnika Eseda Kadrića iz SDA, podnijelo je sedam poslanika iz SBiH, SBB-a, SDP-a, NiP-a i poslanik iz romske nacionalne manjine, uz obrazloženje da Distrikt nije na stepenu razvoja na kojem bi trebao biti. Zahtjev je dostavljen Skupštini prvog marta.



USVOJENA ODLUKA O PRESTANKU MANDATA ZORANU KOKANOVIĆU, POSLANIČKI MANDAT DODIJELJEN ŽIVANU NIKOLIĆU



Skupština je 29. marta, po okončanju nastavka 40. redovne sjednice, započela 41. redovno zasjedanje na kojem je usvojila Odluku o prestanku mandata poslanika Socijalističke partije Zorana Kokanovića zbog obavljanja funkcije narodnog poslanika u Narodnoj skupštini Republike Srpske.

Skupština je prihvatila Izvještaj Komisije za izbor i imenovanje i mandatno-imunitetske komisije o dodjeli poslaničkog mandata Živanu Nikoliću iz Socijalističke partije, nakon čega je Nikolić položio zakletvu. Usvojen je Izvještaj o radu Policije Brčko distrikta BiH za 2022. godinu.

Predsjednik Skupštine Siniša Milić je rekao u izjavi za medije da je dato obećanje da će se raditi na ispravljanju nacionalnog debalansa kod zaposlenih u Policiji. Na inicijativu poslanika Halik Ljuce Skupština je razmatrala in formaciju o aktivnostima na realizaciji odvoza drvnih sortimenata od strane JP „Šume“ TK DD Kladanj teritorijom Distrikta.

„Dogovoreno je da će o ovoj problematici razmatrati Vlada Brčko distrikta na jednoj od sjednica kako bi donijela zaključke koji će ograničiti korištenje tih puteva da bi se oni sačuvali, uz insistiranje na poštovanju sporazuma koji je



o tome ranije zaključen, a koji se očigledno, ne primjenjuje“, istakao je predsjednik Milić.

Usvojene su i dvije odluke o utvrđivanju javnih interesa u svrhu izgradnje kraka ulice Ljubomira Krsmanovića u stambenom naselju Brezik i vodovodne mreže u stambenom naselju Meraje.

Intervju

IVO FILIPOVIĆ, POTPREDSJEDNIK SKUPŠTINE BRČKO DISTRIKTA BiH

„VJERUJEM DA
BRČKO DISTRIKT
BiH I SAMA BiH
IMAJU SVIJETLU
BUDUĆNOST“



Dopredsjednik Skupštine Brčko distrikta BiH Ivo Filipović je govoreći o radu Skupštine u ovom mandatu u intervjuu za drugi broj Biltena podsjetio da je u ovom sazivu Skupština konstituisana 23. decembra 2020. godine kada je dogovorena skupštinska većina od 22 poslanika koju su činili: tri poslanika iz HDZ-a, četiri iz SNSD-DEMOS, pet iz SDA, po dva iz Ujedinjene Srpske, PDP-a i S BiH, po jedan poslanik iz SDS-a i SDP-a, te nezavisni poslanici Đorđe Popović i Alija Denjagić.

On je napomenuo da je ostalih devet poslanika iz političkih stranaka Narod i Pravda, Socijalistička partija i Savez za bolju budućnost, zajedno s nezavisnom poslanicom iz reda nacionalnih manjina Mejrom Šečić, činilo opoziciju.

„I ovaj skupštinski sastav govori koliko je Distrikt specifičan i odudara od ostatka BiH. Skupština bira gradonačelnika tako da svako od poslanika može biti gradonačelnik“, istakao je Filipović.

„PROMJENE U SKUPŠTINSKOJ VEĆINI I VLADI NEĆE UTICATI NA KRUCIJALNE PROJEKTE NI NA RAD VLADE I SKUPŠTINE“

Filipović je podsjetio da je, nakon Općih izbora 2022. godine, došlo do promjena u vlasti na držav-

nom nivou, te da je to uticalo na preslagivanje u redovima vladajuće većine u Distriktu.

„SDA je otišla u opoziciju iako je imala gradonačelnika, dok su se stranke iz opozicije, kao što je NiP, SBB i nezavisni poslanik Abdulah Iljazović, pridružile većini, i trenutno u opoziciji ima deset poslanika. Bivši gradonačelnik iz SDA Esed Kadrić, što se mene lično tiče, imao je jaku ličnost i čini mi se da je pokrenuo mnoge projekte na prostoru Distrikta. Čini mi se i da se novi gradonačelnik dobro snalazi. Uvjeren sam da se neće mijenjati ključne stvari u pogledu započetih kapitalnih projekata. Na kraju, aktuelni gradonačelnik dr. Zijad Nišić je bio u sastavu i prethodne skupštinske većine“, rekao je Filipović.

„RAD SKUPŠTINE PRODUKTIVAN I U OVOM MANDATU“

Mogu reći da je Skupština nastavila s produktivnim radom i u ovom mandatu, kaže Filipović i dodaje da su za to vrijeme održane 44. redovne i 13. vanrednih sjednica, da nije bilo prekida sjednica i opstrukcija u radu.

„Usvojili smo 89 zakona i 712 odluka. Od zakona koje smo usvojili pomenio bih novi Zakon o budžetu, Zakon o igrama na sreću, Zakon o sprečavanju sukoba interesa itd. Vrijedno je pomenuti formiranje Komisije za odlučivanje o sukobu interesa i Kancelarije za borbu protiv korupcije.

„U ovom mandatu, kao novu vrijednost, uveli smo praksu da se zakoni usvajaju u dva čitanja kako bi osigurali kvalitetne zakone“, istakao je Filipović.

Filipović je napomenuo da je novim zakonom o budžetu propisano da se prijedlog rebalansa usvaja po istoj proceduri kao i budžet, odnosno da prije konačnog usva-



janja ide u javnu raspravu kako bi se čulo i uvažilo mišljenje građana.

„POTEŠKOĆE U PRIMJENI NOVOG ZAKONA O UDRUŽENJIMA I FONDACIJAMA“

Zbog novih pravila o raspodjeli i trošenju budžetskog novca koje je propisao novi zakon o budžetu, morali smo donijeti i novi zakon o udruženjima i fondacijama, podsjetio je Filipović, napominjući da je prethodni zakon imao nedostataka.

„Bile su otvorene mogućnosti za zloupotrebu sredstava koja se usmjeravaju prema udruženjima i fondacijama. Novi zakon, koji otklanja pomenute mogućnosti, donijeli smo u saradnji sa OHR-om, ali ga još uvijek teško primjenjujemo, jer on traži blagovremeno i precizno planiranje utroška sredstava te pravdanje istih. Zbog nesnalaženja s novim zakonima mnogi sportski klubovi su se ugasi- li među kojima i Fudbalski klub „Jedinstvo“. Za budućnost i naše zajednice i sporta naprosto smo se morali obračunati s neracionalnim trošenjem planiranih sredstava. U tom kontekstu ovaj zakon je dobar“, kaže Filipović.

On je dodao da Odjeljenje za privredni razvoj, sport i kulturu, zajedno sa skupštinskom većinom traži najbolja rješenja za sportske kolektive, udruženja i fondacije.

„Morat ćemo se naviknuti da imamo dvije vrste prihoda i to prihode iz budžeta, koji će obezbijediti elementarne troškove, kotizacije, nabavku opreme, troškove putovanja i slično, i prihode iz donatorskih sredstava i članarina, kojim bi se pokrili troškovi plaćanja takmičara, trenera i slično. Plate sportista i sportskih radnika ne mogu se finansirati iz budžeta. To je zakonom zabranjeno“, rekao je Filipović.

„KOMISIJA ZA JAVNU BEZBJEDNOST I NADZOR NAD RADOM POLICIJE ODRŽALA 20 REDOVNIH SJEDNICA“

Filipović, koji je i predsjedavajući Komisije za javnu bezbjednost i praćenje rada Policije Distrikta, kaže da je ova komisija, do sada, održala 20 redovnih sjednica na kojima su razmatrani izvještaji o radu Policije, prijedlozi zakona i izmjena zakona iz ove oblasti, kao i žalbe građana na rad Policije.

„Rad Policije je na visokom nivou, ako gledamo elementarne stvari, a to je bezbjednost na prostoru Brčko distrikta u pogledu održavanja javnog reda i mira, ali i saobraćaja. Posebno smo bezbjednost u saobraćaju digli na visok nivo. Nije to toliko ni čudno jer kao zajednica mnogo ulažemo u Policiju i mogu reći da sam zadovoljan njihovim radom u ovom dijelu“, napomenuo je Filipović.

Ističe da od početka ovog mandata Komisija nije zaprimilo mnogo žalbi, te da ih je u proteklom mandatu bilo znatno više.

„Važno je istaknuti žalbu na rad Policije od strane sindikata u osnivanju u Policiji Brčko distrikta BiH na čelu s gospodinom Antom Gedžićem, gdje je čak i sud donio presudu u korist sindikata, a odnosi se na penzionisane radnike Policije. U postupku rješavanja je žalba gospodina Ismeta Dedeića“, naveo je Filipović.

Nezadovoljstvo koje Filipović uočava i ističe u radu Policije je kadrovska politika kako penzionisanja tako i popune radnih mjesta novim radnicima.

Kaže da od Policije očekuje veći angažman u pogledu percepcije javnosti o velikom prisustvu koricije u našoj zajednici.

„NAJVEĆI NEDOSTATAK DISTRIKTA ODLAZAK MLADIH“

Filipović smatra da je najveći nedostatak Distrikta odlazak mladih iz ove lokalne zajednice, ali i cijele BiH.

„Imamo veliki budžet i izdvajamo značajna sredstva za podsticaj privrede i poljoprivrede, ali čini mi se da to nekako nije dovoljno. Mladi ljudi odlaze. Tu je više razloga i nije samo finansijske prirode, nego je vjerovatno i pitanje uređenosti države. Naša država je izašla iz rata

prije tridesetak godina i ne može se porediti sa zapadnoevropskim zemljama ni u pogledu uređenja ni u pogleda ekonomskog rasta i razvoja. Moramo tražiti rješenja kako i na koji način da zadržimo mlade koji jesu naša budućnost. Moramo ojačati realni sektor, moramo uraditi reformu javne uprave kako bi bila funkcionalnija“, kaže Filipović.

„VISOK STEPEN TOLERANCIJE PREDNOST DISTRIKTA“

Prednost Distrikta u odnosu na ostatak BiH Filipović vidi u visokom stepenu tolerancije kada su u pitanju međunacionalni odnosi.

„Ovdje gotovo da nisu zabilježeni

slučajevi ekscesa na nacionalnoj osnovi što je jako važno i značajno za kvalitetan život i rad na prostoru Distrikta“, kaže Filipović.

Kao pozitivnu stvar u Distriktu Filipović je naveo i dobro ubiranje poreza, što je, ističe, rezultiralo budžetu od 270 miliona KM koji bi se prema njegovom mišljenju trebao racionalnije da troši te se nada da će tome doprinijeti reforma javne uprave.

„Vjerujem da Brčko distrikt BiH i sama BiH imaju svijetlu budućnost, posebno u okviru njenog puta k evropskim integracijama“, poručio je dopredsjednik Skupštine Brčko distrikta BiH Ivo Filipović.



IZ PRVOG NAREDNOG REBALANSA

Skupština Brčko distrikta BiH je na 38. redovnoj sjednici razmatrala Informaciju o tarifi za usluge i snabdijevanje električnom energijom.

Predsjednik Skupštine Siniša Milić rekao je da Vlada Distrikta i Javno komunalno preduzeće rade na kreiranju programa mjera koji bi ublažio negativan efekat poskupljenja električne energije u Distriktu.

Predsjednik Milić je istakao da će to biti kroz odluku o subvencionisanju nabavne cijene električne energije, ali i kroz konkretnu podršku stanovništvu.

IZDVOJITI SUBVENCije ZA ELEKTRIČNU ENERGIJU

„Ono što nam ne ide na ruku jeste faktor vremena budući da mi ne možemo usvojiti rebalans budžeta u roku kraćem od tri mjeseca. Postoji opredjeljenje Vlade i Javnog komunalnog preduzeća, ali i najvećeg dijela poslanika Skupštine Distrikta da se iz prvog narednog rebalansa budžeta izdvoji značajan dio sredstava kao subvencija za nabavku električne energije“, istakao je predsjednik Milić.



USVOJEN IZVJEŠTAJ O RADU KOMISIJE ZA ODLUČIVANJE O SUKOBU INTERESA ZA 2022. GODINU

Skupština Brčko distrikta usvojila je Izvještaj o radu Komisije za odlučivanje o sukobu interesa za 2022. godinu.

Predsjednik Skupštine Siniša Milić smatra da je Komisija u tom izvještajnom periodu uradila dobar posao ističući da je u maloj sredini veoma teško očuvati integritet službi kao što je ova komisija.

„Da nemaju bilo kakve protekcije dokaz je činjenica da je Komisija pokrenula postupak i protiv gradonačelnika zbog sumnje na sukob interesa. Rade kvalitetan posao i mi im sa svoje strane trebamo pružiti svaku vrstu podrške“, rekao je Milić.

Predsjednica Komisije za odlučivanje o sukobu interesa Admira Mujić rekla je da su u toku 2022. godine provedena 182 postupka provjere nosilaca javnih funkcija od kojih su u pet slučajeva izrečene novčane sankcije od 1000 KM do 3000 KM, dok su u 11 slučajeva izrečene opomene.

Ona je napomenula da ima 165 nosilaca javnih funkcija koji su aktivni i 24 koja su pasivna, te da 30 njih još nije podnijelo izvještaj Komisiji i da rok za to ističe u petak, 31. marta.

„U toku je 36 postupaka provjere. Sankcije se pokreću nakon što lica ne postupe po opomeni. Aktuelni zakon nije represivan već preventivan“, dodala je Mujićeva



Predsjednica Komisije za odlučivanje o sukobu interesa Admira Mujić



SASTANAK PREDSJEDNIKA SKUPŠTINE

I ZAMJENIKA MINISTRA ODBRANE BiH

Predsjednik Skupštine Brčko distrikta BiH Siniša Milić održao je radni sastanak sa zamjenikom ministra odbrane BiH Aleksandrom Goganovićem.

Razgovarano je o aktuelnoj političkoj situaciji u BiH i Distriktu, te unapređenju saradnje ove dvije institucije.

Sastanku su prisustvovali i Stefan

Marjanović, savjetnik predsjednika Skupštine za informacione tehnologije i Mladen Joksimović, savjetnik ministar odbrane BiH za vojno-civilnu saradnju.

USVOJENA ODLUKA O NERADNIM DANIMA

U VRIJEME VJERSKIH PRAZNIKA

Skupština Brčko distrikta je na 40. redovnom zasjedanju usvojila Odluku o neradnim danima u Brčko distriktu za vrijeme nastupajućih značajnih vjerskih praznika za period april 2023. - januar 2024. godine.

Prema ovoj odluci neradni dani u navedenom periodu su: deseti, sedamnaesti i dvadeset prvi april, dvadeset osmi juni, dvadeset peti

decembar i osmi januar.

Usvojene su odluke o utvrđivanju javnog interesa u svrhu izgradnje puta u MZ Palanka, oborinske kanalizacione mreže u stambenom naselju Brezik i izgradnje puta u MZ Gredice.

Data je saglasnost na Izmjene i dopune Pravilnika o unutrašnjoj organizaciji i sistematizaciji radnih mjesta u JZU „Zdravstveni centar

Brčko“.

Dužnosti je razriješen član Upravnog odbora Javnog preduzeća JP „Putevi Brčko“ Luka Marić. Usvojen je Izvještaj o sprovedenoj proceduri izbora dva člana Pravosudne komisije Brčko distrikta iz reda građana kao i odluka o imenovanju Mehmeda Bečića i Milivoja Vasića za članove ove komisije iz reda građana.

SKUPŠTINA DONIRALA SERVER

ZA PROGRAMIRANJE

TEHNIČKOJ ŠKOLI

„Otpisana oprema je u ispravnom stanju zbog čega smo odlučili da je poklonimo učenicima Tehničke škole kako bi mogli da na njoj vježbaju praktičnu nastavu i uče serverske programske jezike i instaliraju web-servise. Osim servera i grafoskopa, Tehničkoj školi donirat ćemo, u narednom periodu, i drugu računarsku opremu, kao što su laptop-računari i kopir-aparati“, rekao je Marjanović.



Skupština Brčko distrikta BiH donirala je IBM server za programiranje Tehničkoj školi kao i prenosni grafoskop za održavanje prezentacija.

Stefan Marjanović, administrator za Informaciono-telekomunikacioni sistem u Skupštini, rekao je da je ovo samo dio računarske opreme koju će Skupština da donira Tehničkoj školi, te da je tu

opremu Skupština ranije koristila i da je nakon završetka otpisana. Direktor Tehničke škole Dejan Nikolić rekao je da će donirana računarska oprema mnogo značiti i učenicima i profesorima najviše zbog praktične nastave gdje uče programiranje, ali i dijelove računarske opreme, sklapanje i rasklapanje računara.

Nikolić je pozvao i ostale instituci-

je u Distriktu da učine isto, jer će tako doprinijeti održavanju praktične nastave u Tehničkoj školi.

Profesor informatike u Tehničkoj školi Borislav Subašić rekao je da će zahvaljujući serveru koji je Skupština donirala učenicima moći da rade Klijent-server programiranje što je jedan novi nivo programiranja na kojem, kako je rekao, do sada nisu imali priliku da rade.

USVOJENA STRATEGIJA ZA MLADE ZA PERIOD 2022–2026. GODINA



Skupština Brčko distrikta usvojila je na 39. redovnoj sjednici Strategiju za mlade za period 2022–2026. godina.

Predsjednik Skupštine Siniša Milić rekao je da Strategija za mlade Brčko distrikta sama po sebi ne rješava probleme mladih te da je potrebno izraditi akcijske planove i angažovati relevantna Vladina odjeljenja da bi Strategija zaživjela. „Zajedno s reformom javne uprave treba sagledati rješenja gdje bi se sva ova pitanja vezana za mlade, porodicu i sport objedinila kroz jedan organizacioni oblik – odsjek

ili odjeljenje. Siguran sam da bi to bio način za efikasnije rješavanje sve te problematike koja danas opterećuje mlade“, rekao je Milić.

Šef Odjeljenja za stručne i administrativne poslove u Vladi Brčko distrikta Nedim Hamzabegović rekao je da Strategija sadrži niz mjera, prije svega, formiranje odsjeka za mlade pri Vladinom Pododjeljenju za podršku mjesnim



zajednicama i nevladinim organizacijama i sprovođenje programa zapošljavanja i samozapošljavanja mladih.

ODRŽANA KONFERENCIJA „BRČKO DISTRIKT BiH – IZAZOVI ENERGETSKE TRANZICIJE“



Energetska tranzicija, reforme neophodne u oblasti općeg zelenog dogovora s fokusom na energiju, transport, energetska efikasnost, obnovljive izvore energije i urbanu mobilnost bile su teme konferencije pod nazivom „Brčko distrikt BiH – izazovi energetske tranzicije“.

Predsjednik Skupštine Brčko distrikta Siniša Milić rekao je da Distrikt kao i sredine iz okruženja dijele iste izazove u ovoj oblasti, ali da je prednost Distrikta u tome što može da kreira zakonski ambijent za rješavanje ovih pitanja. On je napomenuo da je Distrikt 2020. godine pristupio sporazumu gradonačelnika o energiji na osnovu kojeg su doneseni zakoni iz ove oblasti.

U cilju očuvanja životne sredine Distrikt je donio niz dokumenata. Za sada jedini u BiH ima Zakon o energetskej efikas-

nosti. Donesena je i Strategija razvoja Brčko distrikta za period 2021-2027. godina i Strategija zaštite životne sredine kao i zakoni o električnoj energiji i o obnovljivim izvorima energije. Radi se i na utopljanju objekata institucija. Jedna od obaveza Distrikta je da do 2030. godine smanji emisiju ugljen-dioksida za 40 posto. Konferencija „Brčko distrikt BiH – izazovi energetske tranzicije“ održana je na inicijativu Zelenog kluba Parlamenta BiH, u saradnji sa Skupštinom i Vladom Brčko distrikta, uz podršku otvorenog regionalnog fonda i podrške zelenim parlamentarnim grupama u regiji od strane GIZ-a.

Prisustvovali su joj poslanici parlamenta svih nivoa vlasti, predstavnici izvršne i zakonodavne vlasti Brčko distrikta, institucija i civilnog društva.



Milijana Simić, poslanik u Skupštini Brčko distrikta BiH



Siniša Milić, predsjednik Skupštine Brčko distrikta BiH



OTKRIVEN MEMORIJALNI SPOMENIK CIVILNIM ŽRTVAMA RATA



SPOMENIK ŽRTVAMA RATA U BRČKO DISTRIKTU
PERIODU STRADANJA 1939 - 1945. GODINE
1992 - 1995. GODINE

"THE MONUMENT DEDICATED TO
THE CIVILIAN VICTIMS OF WARS IN
THE BRČKO DISTRICT OF BIH IN
TIMES OF SUFFERING IN THE YEARS
1939 TO 1945 AND 1992 TO 1995"

SPOMEN OBILježje ŽRTVAMA RATA U BRČKO
DISTRIKTU BIH U PERIODU
STRADANJA 1939 - 1945 I
1992 - 1995. GODINE

Predsjednik i potpredsjednik Skupštine Brčko distrikta BiH Siniša Milić i Ivo Filipović prisustvovali su otkrivanju memorijalnog spomenika svim civilnim žrtvama rata s područja današnjeg Distrikta u periodima stradanja 1939-1945. i 1992-1995. godine. Prvi je spomenik civilnim žrtvama rata u BiH. Izgrađen je iza zgrade Vijećnice u Brčkom, sa suzom kao centralnom figurom.

Otkrili su ga, zajedno, predsjednik Skupštine Brčko distrikta BiH Siniša Milić, gradonačelnik Brčko distrikta BiH Esed Kadrić, njegov zamjenik Anto Domić i supervizor za Brčko Jonathan Mennuti.

Predsjednik Skupštine Siniša Milić obraćajući se prisutnima rekao je da sve civilne žrtve, bez obzira na mjesto, vrijeme, naciju i vjeru, zaslužuju jednako poštovanje, te da je neophodno napraviti otklon od svih pokušaja da se u tom smislu prave političke i druge razlike.

„Prošlost se ne može promijeniti. Važno je samo shvatiti da linija razdvajanja između dobra i zla ne ide granicama država, ne pruža se između naroda, vjera ili nacija, pa čak ni između zlih i dobrih ljudi. Ona, ustvari, presijeca nacije, vjere i u stalnom je pomjeranju. Ona presijeca srce svakog pojedinca i koleba se. Zato je važno da svako od nas, prije nego što osudi druge, pobijedi zlo u sebi i pokaže spremnost i za oprost i za kajanje“, istakao je Milić.

Predsjednik je izrazio nadu da će, bez obzira na to što je spomenik napravljen po obavezujućem nalogu supervizora za Brčko, poruke koje su poslate s ovog događaja biti općeprihvaćene i da će biti shvaćene kao opomena sadašnjim i generacijama koje dolaze.



“Nadam se da će otkrivanje spomenika civilnim žrtvama rata 1939-1945. i 1992-1995. godine predstavljati snažan iskorak u pravcu pomirenja na prostoru Brčkog. Ovo mjesto treba da bude ne samo mjesto sjećanja već i opomene da se nikada i nigdje ovakvi i slični zločini ne ponove”, poručio je Milić.

Gradonačelnik Brčkog Esed Kadrić rekao je da je i na ovaj način pokazano da se u Distriktu gradi istinski osjećaj zajedništva i korektnog odnosa prema svim civilnim žrtvama.

Zamjenik gradonačelnika Brčkog Anto Domić istakao je da ovaj memorijalni spomenik treba da bude opomena za budućnost kako bi se mogao tražiti kompromis razgovorima i tolerancijom drugog i drugačijeg i graditi zajednički život na prostoru koji se dijeli te iskazao saučešće svim porodicama civilnih žrtava rata.

Supervizor za Brčko Jonathan Mennuti podsjetio je da se na izgradnju spomenika dugo čekalo, te da je ovo primjer šta se sve može postići kada se međusobno saraduje i uvažava. Nakon otkrivanja na spomenik su položene crvene ruže.

Otkrivanju spomenika civilnim žrtvama rata u Brčkom prisustvovali su predstavnici lokalne izvršne i zakonodavne vlasti, udruženja porodica nestalih, brčanskog Vijeća mladih, ambasadori i druge zvanice.



Predsjednik Skupštine Siniša Milić



Zamjenik gradonačelnika Anto Domić



Supervizor za Brčko Jonathan Mennuti

ČESTITKA PREDSEDNIKA I POTPREDSJEDNIKA SKUPŠTINE POVODOM 8. MARTA - DANA DISTRIKTA I MEĐUNARODNOG DANA ŽENA

Dragi sugrađani!

Iza nas su dvadeset tri (23) godine, dug put na kojem smo zajednički radili i gradili, uspješno savladavali brojne prepreke, a sve zahvaljujući vašoj i podršci međunarodnih partnera. Nadamo se da ta podrška neće izostati ni u godinama koje su pred nama, jer nas već sutra čekaju projekti i poslovi važni za prosperitet naše lokalne zajednice.

Naš koncept odlučivanja zasniva se na dogovoru, kompromisu, međusobnom uvažavanju i poštovanju. Multietničnost smo pretvorili u vrlinu koja je postala prepoznatljiv znak Distrikta, a on primjer sredine za suživot i zajedništvo.

Ne smijemo zanemariti ni ulogu žena koju imaju u društvu, jer svaka žena je stub porodice.

Jaka porodica je stub svakog jakog društva. Svim sugrađanima čestitamo Dan Distrikta, a pripadnicama ljepšeg i nježnijeg spola upućujemo iskrene čestitke i najljepše želje povodom 8. marta, Međunarodnog dana žena.

Potpredsjednik Skupštine
Ivo Filipović

Predsjednik Skupštine
Siniša Milić

SKUPŠTINA BRČKO DISTRIKTA BiH



Adresa: Ulica Mladena Maglova broj 2, Brčko



Telefoni: 049/215-516 (centrala)



E-mail: info@skupstinabd.ba



www.skupstinabd.ba



facebook.com/skupstinabrckodistriktabih



youtube.com/@skupstinabrckodistrikta/videos